

zeruko ARGIA



AIZPURUA • ALTUNA • AMATIÑO • AMUNSA • ANSO-
LA • AROSTEGI • ARRINDA • ATXAGA • KORTADI •
LEIZAOLA • LEKUONA • MUJIKA • MUTIOZABAL •
OTAEGI • SAN MARTIN • TRIKUARRIETA

IDAZKOLA TA BANAKOLA: OKENDO, 22 - SAN SEBASTIAN - TEL. 426666 - PREZIOA 7 PEZETA

Euskal Arbola

Don Jose Migel Barandiarani Gorazarre

Arbola aipatuz gero berehalaxe Gernikakoa gogoratzen zaigu euskaldunoi. Izan ere guretzat oroitzapen asko duena bait da.

Neri, ordea, Gernikakoak Ataungoa oroitarazi dit: Don Joxe Miel, alegia. Euskal frutu ugari eman eta ematen dituen Euskal arbola dirudi gizon honek. Eta ihartu baino lehen berriak sortu dituen arbola gainera.

Horregatik egiten dio Euskal Erri osoak omenaldi eta gorazarre. Ez da goitik behera ezarritakoa, behetik gora datorrena baizik. Hori da izan ere egiazko herri-omenaldiaren ezaugarri nabarmenena.

Aurrekoan D. Joxe Mielen izaeraren bi alderdi aipatu genituen: Jauntxokeriarik eta maixukeriarik gabeko eta ikamika eta mokokeriarik gabeko gizona zela esaten genuen orduan.

Gaur, jakintsu honen lanaren bi alderdi ukitu nahi genituzke.

D. Joxe Mielek Erriari bere burua ezagutzen lagundu dio. Euskaldun deitzen diogun Erri bat badela erakutsi digu. Beste Errietatik berezia den Erri bat badela, alegia: kulturaz, bizieraz, teknikaz, etxe-egituraz, lege-ohituraz, izkuntzaz, erlijioz, folklozez, sineskeriaz... berezia den Erria, noski.

Lurraren eta lehenaren zantzua darama gaurko euskaldunak. Ez dezake utz gizon izatea ukatu gabe. Ildo horri jarraitu behar dio landuz, osatuz eta gizonagotuz.

Euskal zantzua eta ildoak aurkitzen lagundu digu D. Joxe Mielek. Gizona ez dago utsean, dilin-dalan, zintzilik. Lurrean eta kondairan errotua eta itsatsia dago. Gizona ez ditek zain hoietatik eten gizona bera desegin eta zapuztu gabe. Euskal sustraitik bakarrik gizondu dezakegu euskal-gizona.

Baina D. Joxe Mielek zantzu eta ildoak sumatu ez ezik sumatzaile berriak sortu ere egin dizkigu.

Erriarenganaino iritxi dira gizon honen azterketa, liburu, idazlan, itzaldi eta esanak. Gai hauetaz arduratuko den jendea aurrera atera du. Gai hauetaz jantzitako jendea sortu du. Hor dago Arantzadi taldea. Hor daude Barandiaren beraren **Lehen Euskal Gizona** eta B. Otaegiren **Lehen Gizarteak** euskerazko bi liburuak. Sororik landuenetakoa dugu Euskal Erriaren kondaira-aurrea zalantzarik gabe. Ale hontan azalduko diren idazleen izenak ditugu adibiderik onena.

Baina ez dezagun uste bide hau urratzea erraza gertatu zaionik D. Joxe Mieli. Gaur baino zailagoa zen izkuntzak ikastea, erbesteko Unibertsidadeetara ateratzea, hortarako behar zen dirua eskuratzea. Gaur ez da erraza eta orduan mila aldiz zailago nekazari baten semea Ataundik Alemaniara joatea.

Ez zituen, ordea, garaiaren zailtasunak bakarrik menderatu behar izan. Baita gerratearen ekaitzak ere. Neke aundiak eskatu dizkio D. Joxe Mieli bere Erriarenganako maitasunak.

Ez da izan jakintsu honentzat bizitzako bidea lau-laua eta ordeka. Halere aurrera jo du. Mendian jaioa izan nonbait.

Omenaldi hau Erria gehiago ezagutzeko eta maitatzeko gerta dakigula. Nekeak neke eta lanak lan Erriaren zerbitzuan jarduteko gogoia piztu dizaigula.



Barandiarango Joxemiel

GURE LEIHATILATIK



Amaika bertsolarik artu zuten parte «Uztapide»ren omenaldian

Uztapide Eibarren. Txalo asko jo zizaion frontoira sartu zenean.

Esan zaigunez bertsolari guztiak duan edo debalde jardun ziren bertsoan lagunaren omenez. Saio eder- rra eskaini ziguten bertsolariak oro ar. Bakarka, binaka, irunaka, de- netara probatu ziren.

Gaiak era eta mota guztietakoak J. San Martinek gertutu zituen: Itsua, gorra, mutua... Bizi osorako ezkontzaren alde eta aurkako ez- tabaida... Langilea eta langileen aldeko estudiante alferra... Ume askoren aldekoaren eta aurkako- aren arrazoiak...

Bertsolari bakoitzak bina bertso eskaini zizkion Uztapideri.

Euskaltzaindiaren erabaki baten berri eman zen saioaren erdian. «Manuel Olaizola «Uztapide» Eus- kara eta Euskal Herriaren alde egin duen lanagatik Euskaltzain-lagun- tzaile izendatzen du».

Agurra Bertako seme Juan Mari Narbaizak eskaini zion:

«Manuel txalo auk
Biotzean gorde (Bis)
Eta gaurkoa izan da
zure lanen orde.
Gu-re zure inguruan
pozturikan gaude.
Penaz bearko dugu
emendikan alde.
Biotz biotzetikan
agur Uztapide».

Aurkezle Joxe Mari Iriondo izan genuen.

Inork uste ez zuela eta jendea kalera abiatzera zijoalarik Uztapi- de bera urreratu zitzaigun mikro- fonora. Bertsoren bat botako ote digu? Ez. Itz auk esan zizkigun: «Eskerrek eibartarroi eta gainen- tzekooi. Portatu zerat. Eskerrik as- ko danoi».

Txalo artean ito zen Uztapide- ren itz-otsa.

Goi mailako bertsolariak merezi duen bezalako jaialdi bikain eta entzungarria izan zen Eibarko ome- naldia.

LAN-OPORRAK

Langile jendea estu dabil. Bizi- tza garestitzen eta lan-sariak na- hiko urri. Ezinak kalera atera ara- zi ditu. Lan-oporrean daude lan- tegi askotako langileak. Langile- riaren garratxiak izan dezala oi- hartzun gure belarrietan.

Mutiozabal

FAGOR

edaria
epela dagola?
FAGOR 'ek
oztuko
du bereala

OMENALDIAK

Zubeltzu pelotari zenari egin zizaion maiatzaren 30an, gauaz, omenaldi Galarretako pelotale- kuan. Beste partidu batzuen ar- tean banakako hauek jokatu ziren Aierbe —Erro eta Lekunberri— Raul.

Donostiako Ollagorra elkarteak berriz, Fernando Tapiari egin zion maiatzaren 29an. Txapelketan izan zuen arrakastagatik egin zioten omenaldi bihozi eta samurra el- karte ortako pelotazaleek. Urrezko ikur bat eman zioten esker onez.

Egin berria diote Uztapideri Ei- bartarrek. Baina berriro omenaldi egin nahi diote Oizartuarrek, Ekai- naren 9an eta 10ean. Lurdes Irion- do, Xabier Lete, Julian Lekuona, Pello eta Pantxoa, Oskarbi, Antxon Valverde, Korka Knör eta Benito Lertxundik abestuko dute. 9an gaueko amarretan Uztapideren omenez. Urrengo egunean, igandez eta goizeko amaiketean bertsolari auk: Mugartegi, Arozemena, Xal- bador, Mattin, Mitxelena, Lizaso, Agirre eta Lasartek. Aurkezle, Le- xoti eta Lizaso eta gaijartzaile, Juan Mari Lekuona.

JOKOAK

Tolosako zezenplazan eta eguer- diko amabiterdian jokatu dute Dimako Jose Yurrebasok eta Adu- nako Inaxio Gorostidik Ekainaren amazpian. Amar arroako arri zi- lindroaz neurtuko dituzte beren in- darrak, baina ez nolanahi, esku bakarka baizik.

Egun berean dute jokatzeko, al- datzen ez badute behintzat, Pas- kueltso eta Urtain laugarrenak ere. Amabi arroako kubikoa jaso behar du Paskueltsoak. Amairu arroa eta erdikoa Urtainek. Seina minutuko iruna txanda egingo di- tuzte.

Asto-demak jarri dituzte Aian ekainaren bian, iruan, bederatzian eta amarrean. Arrakasta aundia izan du deiak. Askok izena eman du. Nonbait asto asko dago bazte- rretan.

Endañeta eta Urtain laugarrena ikusteko egokiera izan genuen Ai- zarnan, Maiatzaren 31ean. Beren arriak eta abildadeak ikusi ahal izan zituen jendeak.

BOLARIAK

—68 bolarik artu dute parte Zu- bietako bolatokian. Ona zazpi au- rrenekoen izenak errezkan: Joxe Ugalde, Hilario Lekuona, Ramon Izagirre, A. Goenaga, Joxe Iturbe,

Felix Aizpurua eta zazpigarren Bengoetxea.

—Anorgan ari da jokatzeko bola- rien Gipuzkoako txapelketa. Iruro- gei bolarik artu dute parte. Bana- kakoetan, Elizegi, Etxebeste eta Uradanpilleta dira aurreneko lau- rak. Binakakoetan, berriz, aurrene- ko iru, Elurtxori, Ategorrieta eta Urnieta.

TOKA

Tokan ere jokatu zen Zubietan. Auek dira aurreneko laurak. Ma- txain, Lopetegi Jabier eta Pedro Erdozia. Ilaren 3an, igandez, joka- tu zen bai tokan eta bai bolan.

FESTAK

Santakutzak igaroz gero festa gi- roan sartu gara arunt. Legorreta, Beasain...

Aizarnako gazteak ere ez dira atzera begira egon. Berebiziko fes- tak egin dituzte maiatzaren 31ean. Txirrindularien karrera izan da bailara guztia festa giroan jarri duena. Irteera eta sarrera, asiera eta bukaera bakarrik izan dute bertan.

Lizaso eta Lazkano bertsolariek borobildu dute egoki goiz partea. Bazen arratsalderako ere nahiko ikusfesta. Bertsolarien bigarren saioa. Endañeta eta Urtain laugar- renaren ekinaldia. Oskarbi eta Amets abestaldean abesti saioa eta Axari soñujolearen dantza doñuak izan ziren arratsaldeko solas-jaki.

Penagarria den bezala ez zuen eguraldiak lagundu. Goizeko be- roak arratsalderako arria eta euria ekarri zituen. Nahiko bihurria izan du maiatz goxo onek bere azken eguna nekazari eta festazaleentzat.


UZTAPIDERI OMENALDIA

«Astelena» pelotalekuan ginen maiatzaren azkeneko igandez. Jen- dea ugari ikusi genuen «Arrate» elkarte euskal-batzordeak anto- latutako jaialdian. Entzuleen ar- tean baserritarrak ziren gehienbat, baina kaleetik ere gazte mordoa azaldu zen bertsolariei entzutera. Badirudi gazteok ere bertsolaritza aintzakotzat artzen asi garela.

Amaika bertsolarik artu zuten parte: Arozemena, Egileor, Narbai- za, Mattin, Xalbador, Gorrotxate- gi, Lasarte, Mitxelena, Agirre, Laz- kano eta Mugartegi.

Lizaso Joxek aurrez adierazi zuen bere etorri ezina.

Itxura ederrez azaldu zitzaigun



MILLOI BAT ETA 100 ESKUKO TELEBISTA ZOZKATZEN DITUGU

Miloi pezetako ta 100 eskuko telebistako zoz- keta onan Noiznaiko, Aldi-jakiñeko, Bizitzako ta Erbesteratuen kartillak sartuko dira.

Maiatza'ren 16'tik Uztaila'ren 7 arte jartzen diran milia pezeta bakoitzeko zenbaki bat emango da, ta beste zenbaki bat jarrita dauden 5.000 pezeta


bakoitzeko, milia pezeta sartuezkero.

Aldi-jakiñeko kartilla bakoitzaren zenbakiak artzeko, beste milia pezeta sartu bear dira Noiz- naiko kartillan. Zozketa, Aurrezki Kutxa Probin- tzialaren lantokian, J. M. Salaverria kalean, datorren Uztaila'ren 13'an egingo da.

CAJA DE AHORROS PROVINCIAL DE GUIPUZCOA



UTOPIETAN



Filosofo bati arestian honoko haxe irakurri diot: Platon-en jarraitzaileek utopiak idatzi dituzte; Aristoteles-en jarraitzaileek, aldiz, politikaz edo herrigintzaz diharduten liburua. Platonikoak, beraz, beti iraultzaileak izan dira; Aristotelikoak, aldiz, erreformazaleak.

Teoria honek zer pentsaturik ezarri du nere gogoan. Gure artean ze jokabide dabil nagusi bi jokabide horien artean?

Aurrera jarraitu baino lehen bi argitasun eman beharrean nago. Lehengo argitasuna, guziz pertsonala da. Platon-en filosofia, oro har, mila bider gehiago maite dut Aristoteles-en filosofia, oro har, baino. Haiere ez naiz jarrera absolutuan jartzan: ez Platon osoa eta soila bakarrik onartu; ez Aristoteles-en pentsaera osoa beti eta guzira arbuia. Artikulu honetan hori garbiro agertuko da. Bigarren oharra zera da: ze jokabide dabil nagusi gure artean, galdetzean,

galdera zehatz mugatua egiten dut, alegia, gure herrigintzako jokabidean ikusten ditugun pentsakertan, zeinera gehiago urbiltzen garran aztertu nahi nuke.

Nere tesisa, behin behingoz bederen, haxe izango litzake: Gure herrigintzan —aintzakotzat hartzea merezi duten, bizpairu, jokabide kontuan hartuz—, platonismoaren eragina arras sakonagoa da, aristotelismoarena baino.

Izan ere, ze idea dabilta, gida-

ri-gisa, gure artean? Errealitatea aztertuz gero, gure adimenak aterra dituan ideia eta gogoetak, ala errealitatea urrutituz gure adimenean eta gure adimenetik soil-soilik datozen ideia eta gogoeak?

Gorago esan dugu, platonismoaren seinaletariko bat iraultzazaletasuna dela. Zein ez da gure artean iraultzaile azaltzen? Ez dakit inor ezagutzen dudan erreformista dela ofizialki eta formalki dionik. Izan, zer garan pertsonalki, hori besterik da.

Beste sahiets batetik arazoa hartuz, esan dugu, edo filosofoak esan digu, utopiazaleak direla platonikoak; errealistak, aldiz, estagiritarren jarraitzaileak.

Uste dut zilegi zaidala bat batera baiepen hau egitea: gu utopietan gabiltza, gu utopiaren altxoan bizi gara, utopia eder horregatik lan eta ahalegin oro egiteko prest gaude. Adi. Ez uste izan, gero, "utopia"-ri esanahi mezeziagarririk itsasten diodanik. Oso oker zaude horrelakorik pentsa badezazu. Utopia hori ez bagendu ez dakit gure bizitza nolakoa izango litzakeen. Utopia hori izan daitekeen gauzarik ederrena, zuzenena, aurrelariena bait dugu. Izan ere, gure herrigintzak bere baitan daraman imajina horri alderatuko zaion herri aurreraturik eta sozialistarik ez bait da oraino munduan sortu.

Utopia hau, besterik ez da: eredu. Eredua, ordea, gutienez bi motarikoa izan daiteke, ideak bezalaxe. Bat geure buruan, kaskoan, eta adimen soilean sortu eta osatu den eredu. Bestea ere, nahi-ta-ez, adimenak eta arrazoimenak sortu behar duen eredu da, baina hau,

behetik datorrena da, errealitateak eta gizonaren pentsakerak elkarren artean darabilten harremanetatik sortzen den eginasmoa, xedea eta programada.

Hauek horrela direlarik, gure "herrigintza" bultzatzen eta gidatzen duten ideia, gogoeta eta ereduak, utopiara arras gehiago etzainak daudela esaten dut, errealitate hertsia, gogor eta ilunera baino.

Nondik dugun gure utopiarako isuria? Utopiak ere badute bere sortzeko giro egokia. Platon-en utopia, behintzat, badakigu Atenas-en beheraldian sortu zela. Nik nuste, gure egoera larria, gure tipitasuna, gure ezina, pentsa daitezkeen baldintza egokienak direla, hortik, larritasunetik, tipitasunetik eta ezintasunetik ihes egin eta iheslekuak, babesak, dotrinak eta elizak errealitate at eta landara bila eta eraikitzeak.

Aipatzen ez naiz hasiko, baina nein handi batetan gure "euskerazaletasuna", gure "aurrerazaletasuna", gure antiburgesia", gure demokratutasuna, gure "herri-miseria", gure "neo-karlismoa", gure "iraultza", ihesleku eta babes baino ez dira. Umetan zera nahi izaten genduen: guk geuk eginiko txabolatxo tiki, hestu eta primitiboetan, hantxe kuzkurturik lagunartean amets egitea. Berriz ere Platon-en irudia burura; koban ez ote gaude gero oraindik? Beldur, hil-beldur ez ote dugu gero kanpora ateratzeko? Errealitatera jalkitzeko? Detxeparek, gaurregun, agian ez zuen lehengo hura esango, hau baizik: "Euskal-Herri, euskal gizarte, euskal langile, euskal industrialari, jalgiz zaitezte plazara, herrigintzarako plaza erdira!"

G. ANSOLA

BAR - RESTAURANTE


AURRERA

HAUXE DUZU ZURE JATETXEA

Urbietan, 12

Urrut.: 411528 - 412578

— DONOSTIAN —



ONDO BADABILL
Otsein DA



ERAMAN - EKARRIRAKO
AGENCIA

Transportes A L E

EUSKAL IRRATSAIOAK
ERRI GUZTIRAKO

Urrutizkoak: 421369 - 427726

Iparaguinea, 8 - DONOSTIA

MUEBLES

URRETAVIZCAYA

1926'an sortutako etxea

ERREDIZAK - EDERGALLUAK

EGIN - GAIK eta AURRE - KONTUAK

POSTAS. 46

GAZTEIZ (Vitoria)

TRANSPORTES

azkar

ERAMAN - EKARRIRAKO KAMIOI AUNDIAK

Barcelona, Zaragoza, Valencia, Madrid, Oviedo, Gijón.

Donosti'tik egunero:

Iruña, Bilbao, Gazteiz, Jerez de la Frontera, Cadiz, Alicante, Murcia, Cartagena, Granada, Almería, Santander, Valladolid, Zamora, Palencia, Salamanca-ra.

Astean iru aldiz:

Sevilla, Lugo, Coruña, Orense eta Vigo'ra.

Carretera Gral. a Hernani - B.º Ergobia - DONOSTIA

Telefonoak: 450313 eta 459723

Aptdo. 1381

Aptdo. 1381

LOTARAKO-GELAK

hilean 750 pezetaekin

AMUEBLADORA

COMERCIAL HISPANIA

lorik egin gabe dago...
...zuk lo egin dezazun.

Moraza, 3 eta 14-San Marzial, 12
DONOSTIA IRUN

askoz merkeago eskura ordainduz
GARRAIOA DEBALDE PROBINTZI BARRUAN



YOGUR GURELESA GOGOZKOENA




JOSTUNDEGIA

MODISTEGIA

UGARTE

Urbleta, 66


DONOSTIA



Kontu emen!

Euki gogoan!

Adiskide ta etxejoaunok!
 Zuen enmazteentzako esku-erakutsirik onnea. Zuen sukaldarako apaingarri
 Eitze azkarra. Asadora-Freidora RADAR. Erre ta prejitzeko aukerakoa
 SUPERCACEROLA A PRESION «RADAR»
 Juegos Espátulas y juego Cubierto «RADAR»
 LANTEGIA - INDUSTRIAS RADAR ESKORLATZA (Gipuzkoa)



SUKALDEKO MUEBLEAK

EDERRAK BEZAIN EGOKIAK

FELIX ETXABE, S. L.

Urrutizkiña: 891754

ZALDIBIA (Guip.)

Bankaetxe on batek arazo asko koponduko dizkizu.

Zenbat eta eskurago orduan eta errezago.

Banco Guipuzcoano

gertuan daukazu, zure zerbitzuan prest eta gogotsu.

ZURETZAT

(The background of this section is a dense grid of financial terms in Basque and Spanish, including: CREDITOS DE VIAJE, CUENTAS CORRIENTES, CAMBIO DE MONEDA, CARTERA DE EFECTOS, LIBRETAS DE AHORRO, AVALES, DEPARTAMENTO INTERNACIONAL, etc.)



Banco Guipuzcoano

gertuan daukazu, zure zerbitzuan prest eta gogotsu.

LEHEN HISTORIA

ARTEAN

(eta II)

Aurreko lan batetan Lehen-artetik zer nolako artelanak heldu zaizkigun agertzen saiatu ginen. Arte ibilkorren adibide batzuk ere jarri genituen.

Gaur arte haren esanahiaz esan direnaz mintzatuko naiz. Gaur aurrean dituzun artelan hoiak harkaitzetan egindakoetatik aukeratu ditut.

(Lan hau egiteko B. Otategiren liburua erabili dut, hango bilduma aski ongi iruditu bait zait).

ARTEAREN ESAN NAHIA.

Lehen-Historia ikasketak hasi zirenean lehen gizakiez zedukaten iritzia hau zen: Haiak erabat basati zirela eta haien arteak gizadiaren umaldia adierazten zigula.

Geroz ordea, artelan berriak agertzen joan direnean eta etnologiak bere argia eman duenean ustez aldatu dira lehen historiagileak.

Zer esanahiari begira jarri direnean teoria asko sortu da. Haietatik batzuk hemen dituzu:

1.—ARTEA ARTEAGATIK

Lartet ta Christy-k eman zioten hasiera iritzi honi. Ez da, hauen iritzi, gauza gehiegiren bila ibili behar lehen artea aztertzean. Denbora pasa zedenean egindako lanak bait dira, nahiko chizi eginda gero.

Lehen gizarteak eduki litekeen ikusmenik arinena da hau, eta etnologoek gaur lehenean dirauten herriak aztertu ondoren ikusi duten konplexidadeak isilarazi ditu beste hauek.

Arte ibilkorretan, hezur eta bestetan hauek dioten bezala egindakoak ere izango dira noski; ez dago ukatzerik.

2.—AZTIKERIA

Salomon Reinach izan zen Goi-Paleolitos haroko harkaitz arte lanei majiku esanahia erantsi zieten.

Izan ere arte lanetan hau agertzen da:

Harkaitzetako irudi gehienak ihizienak dira.

Hauetatik askok beren gorputza gezi edo fletxa eta mantzez zulaturik du.

Harkaitz irudiak harzulo-etako toki izkutuuetan gorderik daude.

Ihizi gehienak jaten zituzten ihizietakoak dira.

Iritzi hau dutenen ustez, lehen-gizonak, marrezutako ihiziak benetakotzat zeduz-

kan eta ihizi-irudi hori menpera bazezakean egitazkoa ere gero menperatuko zuen ustea izanen zuen.

Abate Beuil-ek (1877-1961) benetako indarra eman zion iritzi honi.

Gizarte haietako erreallitate osoa esplika ez badeza ere, ziur aski indar handia zukeen aztikeriak orduan ere.

3.—IHIZI GURKETA

Batzuen iritzi ihizi batzuk gurtuak izatea ez litzake harrizko gauza, herrien edo familien gordetzailer bezala hartuaz. Hitz batetan Totem bezala hartuaz.

4.—ERNARITASUNEZKO AZTIKERIA

Gizarte haien janaria ihiziak ziren. Ihizi ugari izatea beharrezkoa zuten. Gure zuloetako ihizi irudi batzuk ernari daudela dirudi.

Gizakietara ere zabal daiteke ihiziaz dioguna.

Beharbada "Ama Jainkosa" baten gurketa adieraziko lukete seksu aztikeria hoiak. Zein ote zen lehen-goan aipatzen genituen "Venus" haien egitekoa?

Gizakien irudiak ez dira ugariak harkaitz irudietan. Batzuetan ez da erraza gizonaren itxura ikustea. Agertzen dira baita zakil eta alu diruditen marrazkiak ere. Iritzi hau dutenak badute, noski, bere arrazoi honela pentsatzeko; gehienak ere ikuspegi bakarretik dena ikusi nahia litzake eztabaidarako gaia.

5.—LEROI GOURHANEN IRITZIA

Honek dio: "Goi-Paleolitos haroko artelanak ezin daitezke gaur lehenean dirauten herriek eskaini dezaizkiguketan datoez interpreta. Orduko artegintza, garai haietako ikuspegi bakarrik azter daiteke jator eta zientifikoki".

Ateratzen dituen ondorenak ateratzeko bi oinarri hauek darabilzki:

—Ihizi irudiak zein aldean dauden eta zenbat neuritzen duten.

—Beste ezagugarriak (lerro, puntu, gezi, tab) nun eta nola dauden.

Berak bi sail berezitan ditu, zaldi saila edo "A" eta bisonarena edo "B". "A" sailean ahuntza eta oreina ere sartzen dira eta "B"-n larre behiak ere bai besteren artean.

"A" sailekoak sarrera eta tokirik izkutuuetan agertzen dira, nahiz eta erdi aldean "B"-koekin nahasirik agertu.

"B" sailekoen artean emakume irudiak ere agertzen direla-ta Seksu esanahi bat duela saiketa honek, dio. Hala "B" sailekoak sinbolo emeak lirake eta sinbolo arrak "A"koak.

Gainerako beste ezagugarriak ere bi sailetan banatzen ditu: gezi edo fletxa, lerro eta puntuak "a" sailekoak lirake, arrak alegia eta hiruki edo triangulo, rectangulo eta abar "b" sailekoak, emeak beraz. Egon ere "a" saileko ezagugarriak "A" irudiak dauden alde berrietan daude; orobat "b" eta "B" ere.

Honela "a" edo "b" sailekoaren ordez gizon bat edo emakume bat ager daiteke.

Goi Paleolitos haroko artegintzak, lehen gizaki haien mundu ikuspegia eskaintzen digu, abstrazio mailan eskaini ere. Ikuspegi hortan seksuak oinarritzko zerikusia luke.



Estetika aldetik ere azter daitezke lan hauek Edorta Kortadik zerbait agertzen digu aldameneko lan batetan. Erraza omen gaur artista moderno izatea, erdiminak ordea garai haietan.

Behin baino gehiagotan Jose Migel Barandiaranek honen antzeko zerbait esan digu: "...gure lanaren bidez letrak ezagutzen ari gara, hitzak ere osatuko ditugu behar bada, bainan ez gara sekula irakurtzeko gai izanen". Gauden sasi-interpretatzaile-garairako egokia agian, bainan gogorra ene belarrientzat. Ez ditut alferriat jotzen hainbat jakintsuk egindako lanak, ez eta ere Don José Migel berak azken 60 urtetan eskaini dizkigunak.


Gizonaren bizitzan, "sekula ez" batek hauspo zulaturari gertatzen zaiona dakar. Egindako lana aurrera bide dela derizkiot eta egun hauetan bere herritarrek D. Jose Migeli eskaintzen dioten omenaldian bertan izaterik ez badugu ere, bihoakio le- rro hauez gure eskerrona.

Zuk letrak nola ondo bil ederki erakutsi diguzu eta irakurtzeko bidean jarri. **ESKERRIK ASKO D. JOSE MIGEL!!!**

Marzelino Aizpurua



Altxerriko (Aia-Orio) elur-orein bat. Bere lepoan azeria. Biak marrazturik daude.



Ekaineko orein marraztua. Ikus gorputza saiteska balego bezala marreztua eta adarrak aurrez.



EKAIN-en diren hartzak. Handienak 75 zm ditu. Ikus gorputzean duen mantxa.

